



Il mas-chalch da Sent

www.sent-online.ch

sent@engadin.com

settember / october 2021

MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais i'l büro da Sent Turissem sent@engadin.com.
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, grotta da cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel Mas-chalch vegnan ramassats i'l büro da Sent Turissem. Scha pussibel giavüschaina texts in fuorma digitala.

ARRANDSCHAMAINTS

Societats chi vöglian publicar arrandschamaints han seguaintas pussibilitats:

- a) Mas-chalch da Sent : tenor infuormaziuns sülla prüma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:

www.engadin.com => "Allegra das Veranstaltungsmagazin" => Veranstaltungen erfassen opür

<https://www.engadin.com/de/planen-buchen/allegra-veranstaltungsmagazin>

Quellas occurrenzas vegnan publicadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Nouv adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publicar lur occurrenzas ed infuormaziuns illas chaistas nairas pon manar avis in fuormat A4 pro Sent Turissem fin adüna il marcurdi. Ils avis vegnan plazzats adüna la gövgia illas chaistas nairas.

SOCIETÀ D'UTIL PUBLIC – concerts illa baselgia da Sent

Ingüna reservaziun da plazzas - la chascha es averta ün'ura avant il concert

Dumengia, als 3 october 2021, a las 17.00, CHF25.-

DIALOG A QUATTER MANS

Susanne Huber e André Thomet : clavazin

l's cugnoscha al duo da clavazin svizzer cun seis program inconvenzional sco eir cun sia musica briglianta e differenziada. Els musicists sun dachasa in tuot las epocas da la literatura per duos pianists. Els preschantaran a Sent tuot ils aspets da sunar il clavazin a quatter mans: ün dialog intim per musica da chombra da Schubert, la cordialità da Robert Schumann e'l cling virtuos da la « Rapsodie Espagnole » da Maurice Ravel.

Dumengia, als 10 october 2021, a las 17.00, CHF 25.-

IL NOM ES IL PROGRAM...

Lisa Stoll : tüba, Urs Wittwer : orgel da baselgia

Ils duos artists cun lur instrumaints chi clingian stupend insembel e chi s'inclegian musicalmaing fich bain spordscharan ün concert leger e festiv. Els sunaran a Sent in prüma lingua ouvras da cumponists svizzers. l's pudarà giodair ün concert varià da Purcell fin pro cumponists da nos temp chi han cumponü aposta per Lisa Stoll. Amis da la musica populara ed amis da la musica classica saran inchantats. Lisa Stoll ed Urs Wittwer sun duos musicists fich renomnats ed a Sent cuntschaints, ün plaschair pel publicum e per els sves !

Dumengia, als 17 october 2021, a las 17.00, CHF25.-

RUSWI – PARIS RETUORN

Miriam Lötscher : flöta, Joel von Lerber: arpa

La musica da Joseph Lauber (1864-1952) es tipica per blers musicists svizzers da la fin dal 19avel tschientiner. El s'ha laschà inspirar da la romantica tudais-cha e dal impressiunissem frances ed ha creà landroura seis agen cling. Daplü co 200 ouvras derivan dad el, displaschaivelmaing suna idas ün pa in invlidanza. I sta a cour als musicists da render attent a quistas perlas musicalas da Lauber.

Dumengia, als 23 october 2021, a las 20.15, CHF25.-

BACH-MOZART-CANTIENI

Alexa Vogel : sopran

« Concerto » Orchester da chombra Tübingen

Albert Boesen, : prüm violinist, Luzius Juon e Peter Vögeli: oboa, Gion Andrea Casanova: fagott

Dirigent: Hans Hildering

cun ouvras da:

Johann Sebastian Bach, W.A. Mozart ed ils cumponists engiadinais Armon e Robert Cantieni

Dumengia, als 31 october 2021, a las 17.00, CHF 25.-

MADE IN SWITZERLAND

Cul Caleido Ensemble:

Sabrina Bähler: clarinetta, Annette Birkenmeier: violina, Emanuel Rüttsche : cello,

Benjamin Kellerhals : clavazin, Michael Birkenmeier: pledader

Las cumposiziuns da Mendelssohn, Strawinsky, Brahms, Felder, Martinu e Müller sun tuottas gnüdas creadas in Svizra. Il cabaretist Michael Birkenmeier maina tras il program. Musica e plects as maisdan in ün viadi musical animà tras la Svizra.

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Grotta Schigliana

galleria e bar-café / Galerie und Bar-Café

mardi e sonda / Dienstag und Samstag

17:00 -19:00

Nus ans allegrain da Lur visita!

Exposiziuns/Ausstellungen

Vernissascha

Matthias Schaedler – Bilder und Zeichnungen

sonda / Samstag 09-10-2021 17.00-19.00 Grotta da cultura Sent, Schigliana

Occurenzas / Veranstaltungen

Ora si! Musiktheater

Musiktheater mit **Matthias Hoby**, für Klein und Gross!

02-10-2021 **sonda/Samstag** 20.15 Saletta, scoula Sent CHF 5.-/ 20.-

Chantauturs rumontschs - Liedermacher aus der Surselva

Concert cun **Alexi Nay** e **Markus Hobi**

22-10-2021 **venderdi/Freitag** 20.15 Piertan CHF 20.-/25.-

Concert da cumgià / Abschiedskonzert

Men Steiner ed **Aita Biert**

Ils duos trubadurs rumantschs sün turnea da cumgià / auf Abschiedstournee

21-11-2021 **dumengia/Sonntag** 20.15 Baselgia/Kirche Sent CHF 20.-

CORPORAZIUN EVANGELICA SENT**Cults divins**

DUMENGIA, 3 OCTOBER

Cult divin cun battaisem da Lena Dermon

10.00, tudais-ch, rav. Monika Wilhelm

DUMENGIA, 10 OCTOBER

Ingün Cult divin

DUMENGIA, 17 OCTOBER

Cult divin per la festa da la raccolta cun battaisem da Corsin Lemm

10.00, rumantsch, rav. Magnus Schleich

DUMENGIA, 24 OCTOBER

Cult divin da famiglia

10.00, rumantsch, Seraina Guler cun scolaras e scolars

DUMENGIA, 31 OCTOBER

Ingün Cult divin**19.00 Eucharistiefeyer, Pfr. Chr. Wille*****Radunanza da preventiv da la Corporaziun evangelica***

La radunanza da preventiv da la Corporaziun evangelica vain bannida per dumengia, ils 3 october 2021 davo il cult divin

Tractandas

1. *Salüd*
2. *Tscherna dombravuschs*
3. *Protocol radunanza dals 18-04-20*
 4. *Rapport dal cussagl da baselgia*
5. *Preventiv 2022 e pè d'imposta*
6. *Tschernas*
7. *Orientaziuns*
8. *Varia*

Il preventiv 2022, il protocol da la radunanza dals 18 avrigl 2021 ed il rapport dal cussagl da baselgia es disponibel a partir dals 20 settember 2022 sülla pagina sent-online.

Adressas:

Corporaziun Evangelica Sent
Barbla Buchli
telefon 081 864 02 78
barbla.buchli@bluewin.ch

Secretariat da pravenda
telefon 081 860 34 10
secretariat.pravenda@bluewin.ch

VACANZAS PRATCHA DAL MEIDI / Praxisferien

La pratcha resta serrada da gövgia, ils 7 october 2021 fin dumengia ils 24 october 2021.

Il numer d'urgenza dals meidis da chasa EB **(081 864 12 12)** collia cul meidi da chasa chi ha servezzan.

Die Arztpraxis bleibt von Donnerstag, den 7. Oktober 2021 bis am Sonntag, den 24. Oktober 2021, geschlossen.

Über die Notfallnummer der Hausärzte des Unterengadins **(081 864 12 12)** erreichen Sie den diensthabenden Hausarzt.

Dr. med. Iris Zürcher

PER NOSSAS SENIORAS- PER NOSS SENIORS**Excursiun ed inscunter cun senioras e seniors da Ftan****Mardi, 5 october 2021**

Davomezdi pachific cun caffè e tuorta i'l restorant Bellavista. Partenza a las 13.12 davent da Sent, Plaz Annunzchas p.pl. fin als 1. october 2022 a Chatrina Ritzmann, tel. 081 864 93 59.

I vala l'obligatori da certificat da Covid

Ir a spass in Engiadina Bassa**Marcurdi, 6 october 2021**

Excursiun intuorn Tarasp. Partenza davent da Sent, Plaz a las 13.12, partenza davent da Tarasp Fontana a las 13.42

Infuormaziun ed annunzcha pro la manadra: Dorothea Zwanzig, Surataglia, 7554 Sent, tel. 077 252 21 88 l's resguarda las reglas da Covid.

Giantar cumünaivel**Mardi, 12 october 2021, a las 12.00 i'l restorant Fontana**

Annunzchas fin dumengia, 10 october, a Fina Zanetti, Corporaziun Evangelica, tel. 081 864 95 26

I vala l'obligatori da certificat da Covid.

Adüna il **lündeschdi, a las 14.00 in Chasa Misoch**: Gimnastica per las duonnas, Pro Senectute, manadra Elisabeth Poo, tel. 081 864 18 20

Adüna il **marcurdi a las 14.00 ed il mardi a las 20.15 in Chasa Misoch**: Società da duonnas infuormaziun: Dorathea Stupan, tel. 081 864 04 75



MARCHÀ D'UTUON
HERBSTMARKT
SENT

DUMENGIA / SONNTAG

10. OKTOBER 2021

10.00 - 16.00 UHR